



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1709. usque ad annum 1714

**Fleury, Claude**

**August. Vind. [u.a.], 1782**

**VD18 90119266**

§. 11. Pacis articuli Carolo Imperatori oblati.

---

[urn:nbn:de:hbz:466:1-67615](https://nbn-resolving.org/urn:nbn:de:hbz:466:1-67615)

Sæc. XVIII. frequenti Acatholicorum familiaritate  
 A. C. 1713. & colloquiis infecerunt. Rogabat igitur Pontifex, ut præfati Reges memoratis gravissimis hisce scandalis opportune occurrant, & omne Ecclesiasticæ disciplinæ, Catholicæ Religionis, & Episcopalis auctoritatis detrimentum prævertere velint.

## §. XI.

*Pacis articuli Carolo Imperatori oblati.*

*La Clef Nov.*  
 1713 p. 303.  
 339 & seqq.  
*Elect. Jur.*  
 publ. t. 5.  
*Hist. du*  
*Congr.*  
 pag. 465.

Ceterum Ultrajectinæ pacis articulis non minus iniquis quam indecoris subscribere constanter renuebat Imperator; ægerrime ferens, quod Angli tot solemnes juratasque foederis leges de bello non ante receptam Hispaniam, nec nisi cum ceteris sociis terminandam perfide violassent, & Galli Argentinam, necessarium adversus vim Francicam repagulum, Imperio eripuissent, nec non quod Imperatori Neapolis Regnum Cæsareis armis partum fuisset ita relictum, ut Sabaudum Siculo Regno auctum, Regio titulo superbum, internecinum Austriacæ Domus hostem cernere cogeret infidum plane vicinum. Id præcipue movit Imperatorem, ut Sabaudicos Oratores & Vienna & Ratisboaa abesse juberet.

ac rejecta monstrosa hac pace potius Sæc. XVIII.  
bellum prosequi, quam fœdifragorum A. C. 1713.  
voluntati deservire mallet: Ejus igitur  
jussu Legati, priusquam Ultrajecto dis-  
scederent, publicis scriptis denegatæ  
subscriptionis rationes divulgant, ipse  
vero Imperator copias omnes e Belgio,  
Catalonia, Italia & Hungaria revoca-  
tas ad Rhenum contrahit, totiusque  
exercitus Imperium Eugenio Principi  
demandat. Hic ergo præprimis Lan-  
davam novis præsidiis, munimentis-  
que firmare constituit, hujusque Urbis  
defensionem celeberrimo Belliduci Ale-  
xandro Württembergico committit. Ast  
dum Eugenius e Belgio Saxones, Bo-  
ruffos, Hannoveranos, Hassos, & Wür-  
tembergicos incassum præstolaretur,  
Villarius Gallorum Dux Landavam die  
vigesima quarta Junii obsidere cæpit,  
quam etiam urbem, etsi Alexander  
strenue eam propugnaret, die vigesi-  
ma Augusti ad deditionem compulit:  
Capta hac urbe Villarius trajecto Rhe-  
no Germanorum aggeres improvise im-  
petu perrumpit, & Friburgum die de-  
cima sexta Septembris obsidet, ipsam-  
que Urbem ab Harschio fortiter defen-  
sam unacum arcibus suis die decima  
sexta Novembris occupat. Enimvero  
Eugenius utrique oppido subvenire con-  
stituit, cum tamen copiis longe inferior  
esset,

Sæc. XVIII.  
A. C. 1713

esset, & submissæ a Germaniæ Principibus segnius agerent, numero, & adversanti fortunæ, non autem virtuti cedere coactus est. In hac rerum vicissitudine Gallus æque ac Imperator ad pacem aspirabant; Pontifex quoque per Cardinalem Piazzam, & Guilielmus Palatinus Elector per Hundhemium Baronem Consiliarium suum Cæsarem ad pacis consilia inclinare adlaborabant, & quidem Elector ad Carolum Viennam perscripsit, Franciæ Regem belli pertæsum Villario jam ante quatuor & quinquaginta dies plenam cum hostibus pacis tractandæ facultatem misisse, consultum igitur sibi videri, ut Eugenius Princeps pari auctoritate ab Imperatore ornaretur; nec his contentus Elector, Hundhemio negotium dedit, ut Electoris non Cæsaris nomine significaret Villario, Carolum Imperatorem a pacis consiliis adeo remotum non esse, ut desuper Eugenio mandata missurus jam fuisset, nisi adhuc comitiorum Imperialium auctoritas desideraretur: deligeret itaque Villarius, quo in loco cum Eugenio colloqui vellet? Seligebatur ergo Schwezinga vicinum Gallicis castris pagum, ubi Hundhemius nomine Electoris, suggerente tamen Eugenio, petiit Landaviæ restitutionem, & Ludovicæ demolitionem.

Pro

Promisit etiam Colonienſem Electorem Sæc. XVIII.  
 reſtitutum iri, dummodo ea, quæ Cæ- A. C. 1713.  
 ſar & Canonicorum Collegia interim  
 ſtatuiffent, rata haberet, Bonnam,  
 Leodium, & Huyum Imperiali præſidio  
 traderet, Bavaro autem nec Regios  
 titulos tribui nec dignitatem Electora-  
 lem reſtitui poſſe, Bavariam tamen  
 cum Belgio Hispanico permutandam,  
 vel ſi id non placeat, Sardiniam ad-  
 dendam, vel ſuperiorem Palatinatum,  
 Bavaria Cæſari relicta, conſignandum,  
 Palatino autem Landaviam & Liſmo-  
 fanum Belgii tractatum eſſe attribuen-  
 dum propoſuit. Voluit etiam, ut in  
 Electorum Ordine poſterior Palatino &  
 Hannoverano ſit Bavarus, de Mantuæ  
 autem Ducatu cum Guſtalleniſi, de  
 Comachlo cum Pontifice, & de Miran-  
 dula cum Principe legibus agatur, nec  
 quicquam de juribus Philippo II. &  
 III. in Italia competentibus diminua-  
 tur &c. Hæc Hundhemius Villario  
 expoſuit, qui tamen minus æquum ſe  
 exhibens, reſpondit, ſtimularet Electro-  
 rem, ut Raſtadium, Spiram vel Baſi-  
 leam, niſi alius locus commodior vi-  
 deretur, ad congreſſum die vigefima  
 ſexta Novembris habendum ſeligeret:  
 Urgente etiam Piazza Cardinale, cui  
 Pontifex pro communis Patris officio  
 pacis inter Principes Chriſtianos con-  
 cilian-

Sæc. XVII. ciliandæ negotium dederat, post va-  
 A. C. 1713. rios Metis atque Argentorati institutos  
 cum Gallis congressus, tandem præ-  
 fixa die Eugenius, & Villarius Rastradii  
 convenere; Conficiendæ paci obicem  
 posuerat Malknechti, qui Bavaro E-  
 lectori a consiliis erat, epistola, qua  
 significatum, Electorem nec de ulla  
 permutatione audire, nec alias, quam  
 Ultrajectinas admittere condiciones,  
 proin dempto Palatinatu superiore, alioquin ad stirpem suam redituro, Ba-  
 variam integram deposcere, unacum  
 Sardinæ Regis titulo, & Namurci &  
 Luxemburgi proventibus. Hanc ta-  
 men epistolam Villarius nequidem re-  
 sponso dignabatur, Electori ob veterem  
 offensionem parum benevolus, ipse ta-  
 men adeo duras proposuit Eugenio con-  
 ditiones, ut hic jam in eo erat, ut  
 pacis tractatum abrumperet: Conve-  
 nerat equidem inter utramque de alio  
 pacis typo, quem tamen Franciæ Rex  
 rejecit: Dum ergo Eugenius Stutgar-  
 diam, & Villarius Argentinam sece-  
 derent, Rege tandem Cæsaris condi-  
 tiones approbante, ambo iterum Ra-  
 stradii convenerunt, ibidemque in has  
 consensere pacis leges:

I. Ex pace Westphalica, Novio-  
 magensi, & Rysvicensi Brisaccum,  
 Friburgum, Kela cum omni pen-  
 bellica

bellica, & Bitſa, & Homburgum reſti- Sæc. XVIII.  
 tuantur, deſtructis Gallorum cis Rhe- A. C. 1713.  
 num munimentis.

II. Landavia, Nusdorfium, Dann-  
 heimium & Queichemium Gallis re-  
 linquatur.

III. Rex Gallix conſentiat in no-  
 num Electoratum.

IV. Bavarus & Coloniensis Elector  
 reſtituantur pleno jure unacum mobi-  
 libus & pretioſis ipſi ablatis, quin ta-  
 men de compensatione damnorum quic-  
 quam moveatur.

V. Bonna ſi bellum fervet, Impe-  
 riali, pacis vero tempore civium præ-  
 ſidio teneatur.

VI. Cæſari Belgium Hispanicum,  
 Menna & Tornacum, ſalva ceſſione  
 Boruſſo facta, necnon Regnum Nea-  
 politanum, Mediolanum & Sardinia  
 unacum urbibus & portibus in Statu  
 præſidii ſitis cedatur.

VII. Germanix & Belgii fines ii-  
 dem ſint, qui ante bellum erant.

VIII. Res in Italia maneat in ſtatu,  
 quo actu ſunt. His conditionibus Eu-  
 genius & Villarius die ſexta Martii  
 ſubſcribere, ſtatuentes, cetera, quæ  
 longioris temporis ſunt, ad ſolem-  
 nem tractatum rejicienda eſſe, pro quo Scha-  
 fuſium, Bada vel Frauenfelda, ad Regis  
 Gallici optionem designabantur. Fauſti-  
 ſimum

Sæc. XVIII. A. C. 1713. finum pacis nuntium Villarius Parisios & Eugenius per Lambergium Comitem Viennam pertulit, summis ubique lætitiis exceptum: Pontifex quoque die septima Aprilis Galliarum Regi maximum explicabat gaudium, quod ex fausto, ac tantopere exoptato successu percepisset, simul etiam eundem rogabat, ut unacum Imperatore Catholicorum Principum quartum Riscensis pacis articulum omnino abrogari denuo molientium violentiis fortiter obniti & afflictæ Hildesienfi Ecclesiæ opitulari velit.

## §. XII.

*Quatuor Præsules a Clemente XI.  
Papa Romana Purpura  
decorati.*

*Vit. Card.  
tom. 1.*

Hoc item anno die trigesima Januarii Pontifex Purpuratorum Collegium auxit, & quatuor Præsules, quos jam anno priori die decima octava Maii creatos adhuc in pectore servabat, in secreto, ut vocant, Consistorio evulgavit. Hos inter primus erat Emanuel Arias Hispalensis Archiepiscopus ad Philippum Hispani Regis preces nominatus Cardinalis sine titulo. II. Benedictus Sala Ord. S. Benedicti Episcopus Barcinonenfis, Cardinalis ad nominationem Caroli III. Hispa-